



FÓGRA FOLÚNTAIS¹
CATHAOIRLEACH ESMA
(F/B)

TAG.: ESMA/2020/VAC11/AD15

An cineál conartha	Gníomhaire Sealadach ²
Feidhmghrúpa agus grád	AD15
Fad an chonartha	5 bliana, agus is féidir síneadh a chur leis uair amháin ³
Roinn	ESMA/Bainistíocht Shinsearach
Áit fostaíochta	Páras, an Fhrainc
Spríodhata le haghaidh iarratas	02/09/2020 (23:59 uair, am áitiúil Pháras)
Liosta ionadaithe bailí go dtí	31/12/2021

1. An tÚdarás

Is Údarás neamhspleách de chuid an Aontais atá bunaithe i bPáras é ESMA. Is é misean ESMA cosaint infheisteoirí a fheabhsú agus margaí airgeadais cobhsaí agus ordúla a chur chun cinn. Eascraíonn an misean seo ón Rialachán lenar bunaíodh ESMA⁴ agus tá trí chuspóir aige:

- **Cosaint infheisteoirí:** freastal níos fearr a dhéanamh ar riachtanais tomhaltóirí airgeadais agus a gcearta mar infheisteoirí a threisiú agus a gcuid freagrachtaí a aithint ag an am céanna;
- **Margaí ordúla:** sláine, trédhearcacht, éifeachtúlacht agus dea-fheidhmiú na margaí airgeadais agus bonneagair láidre margaidh a chur chun cinn; agus
- **Cobhsaíocht airgeadais:** an córas airgeadais a neartú d'fhonn a bheith in ann déileáil le suaitheadh agus míchothromaíochtaí airgeadais a mhaolú agus fás eacnamaíoch a chothú ag an am céanna.

Cuireann ESMA na cuspóirí seo i gcrích trí cheithre ghníomhaíocht: (i) measúnú a dhéanamh ar rioscaí d'infheisteoirí, do mhargaí agus do chobhsaíocht airgeadais, (ii) leabhar rialacha aonair a chomhlánú do mhargaí airgeadais AE; (iii) cóineasú maoirseachta a chur chun cinn; agus (iv) maoirseacht dhíreach a dhéanamh ar eintitis airgeadais sonracha⁵.

Baineann ESMA a mhisean amach laistigh den Chóras Eorpach um Maoirseacht Airgeadais (CEMA) trí chomhoibriú gníomhach le hÚdaráis Inniúla Náisiúnta (go háirithe le rialtóirí an

¹ Tá an fógra folúntais ar fáil i dteangacha oifigiúla an Aontais Eorpaigh. Má bhíonn aon neamhréireacht ann, is é Béarla an teanga bhunaidh agus an teanga atá i réim. Is chun críocha eolais amháin iad na teangacha eile.

² De réir Airteagal 2(a) de [Choinníollacha Fostaíochta Sheirbhísigh Eile](#) an Aontais Eorpaigh (CEOS).

³ Cúig bliana a bheidh i dtéarma oifige Chathaoirleach ESMA agus féadfar síneadh a chur leis an téarma sin uair amháin. Tá tréimhse phromhaidh naoi mí luaithe leis an gcéad chonradh.

⁴ Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 lena mbunaítear Údarás Maoirseachta Eorpach (an tÚdarás Eorpach um Urrúis agus Margaí)

⁵ <https://www.esma.europa.eu/about-esma/who-we-are>

<https://www.esma.europa.eu/about-esma/esma-in-short/esma-organigramme>



mhargaidh urrús) agus leis an Údarás Baincéireachta Eorpach (ÚBE), leis an Údarás Eorpach um Árachas agus Pinsin Cheirde (ÚEÁPC) agus leis an mBord Eorpach um Riosca Sistémach (BERS). Tá seasamh uathúil ag ESMA laistigh de CEMA mar go ndíríonn sé ar ghné na n-urrús agus na margaí airgeadais agus ar ghnéithe uileghabhálacha Eorpacha na gcuspóirí sin.

Má theastaíonn tuilleadh eolais uait, féach ar shuíomh gréasáin ESMA: <http://www.esma.europa.eu>

2. Creat agus próifíl an phoist

Tá nós imeachta roghnúcháin á eagrú ag ESMA don phost mar Chathaoirleach ESMA.

Ball lánaimseartha, neamhspleách, gairmiúil d'fhoireann ESMA is ea Cathaoirleach ESMA, atá lonnaithe i bPáras (an Fhrainc). Tá sé/sí ina C(h)omhalta vótála de Bhord Maoirseoirí agus de Bhord Bainistíochta ESMA agus feidhmíonn sé/sí mar chathaoirleach na mBord. Is é an Cathaoirleach aghaidh an Údaráis agus sonraíonn sé/sí treoshuíomh straitéiseach fadtéarmach an Údaráis.

Mairfidh téarma oifige an Chathaoirligh cúig bliana agus féadfar síneadh a chur leis an téarma sin uair amháin.

Príomhdhualgais:

Beidh Cathaoirleach ESMA freagrach as na cúraimí a leagtar síos sa Rialachán lena mbunaítear ESMA⁶, agus go háirithe as na nithe seo a leanas:

- Cathaoirleacht a dhéanamh ar chruinnithe agus clár oibre Bhord Maoirseoirí ESMA agus an Bhoird Bainistíochta a shocrú;
- Obair Bhord Maoirseoirí ESMA a ullmhú;
- Gníomhú mar cheann agus mar ionadaí seachtrach ESMA;
- Straitéis ESMA a fhorbairt agus a áirithiú go gcuirtear cuspóirí ESMA i gcrích;
- Cúraimí agus cinntí áirithe de chuid an Bhoird Maoirseoirí atá sainithe go soiléir a chomhlíonadh; agus
- Páirt a ghlacadh in éisteacht gach bliain, ar a laghad, os comhair Pharlaimint na hEorpa agus ceisteanna ó na Feisirí a fhreagairt.

3. Cáilíochtaí gairmiúla agus ceanglais eile

A. Critéir incháilitheachta

Chun go measfar iad a bheith incháilithe, ní mór d'iarrthóirí na critéir incháilitheachta ar fad atá liostaithe thíos a chomhlíonadh faoin spriocdháta le haghaidh iarratas a chur isteach:

- Leibhéal oideachais arb ionann é agus **ceithre bliana** de staidéar ollscoile críochnaithe arna fhianú le dioplóma a bheith acu⁷, **agus cúig bliana déag (15)** de thaithí ghairmiúil chruthaithe a bheith gnóthaithe acu tar éis dóibh an dioplóma a bhaint amach⁸

⁶ Rialachán (AE) Uimh. 1095/2010

⁷ Ní bhreithneofar ach cáilíochtaí a bronnadh i mBallstáit AE nó cáilíochtaí a bhfuil teastais chomhionannais arna n-eisiúint ag údaráis Ballstáit AE ina leith.

⁸ Chun tuilleadh eolais a fháil maidir le conas an taithí ghairmiúil a ríomh, féach ar an doiciméad dar teideal "Treoirínte d'Iarrthóirí" a foilsíodh ar shuíomh gréasáin ESMA <https://www.esma.europa.eu/about-esma/careers>

NÓ

leibhéal oideachais arb ionann é agus **trí bliana** de staidéar ollscoile críochnaithe arna fhianú le dioplóma a bheith acu⁹, **agus sé bliana déag (16)** de thaithí ghairmiúil chruthaithe a bheith gnóthaithe acu tar éis dóibh an dioplóma a bhaint amach¹⁰

- A bheith ina náisiúnach de Bhallstát den Aontas Eorpach;
- A bheith i dteideal a gceart iomlán mar shaoránach¹¹;
- Aon oibleagáidí arna bhforchur leis na dlíthe is infheidhme a bhaineann le seirbhís mhíleata a bheith comhlíonta aige/aici;
- Eolas críochnúil ar cheann amháin de theangacha an Aontais Eorpaigh¹² agus eolas sásúil¹³ ar theanga eile de chuid an Aontais Eorpaigh;
- A bheith corpacmhainneach chun na dualgais a bhaineann leis an bpost a chomhlíonadh¹⁴;
- A bheith in ann an sainordú iomlán cúig bliana a chríochnú sula mbainfidh sé/sí aois scoir amach¹⁵.

B. Critéir roghnúcháin

CÉIM RÉAMHSCAGTHA

Déanfar na hiarratais a chomhlíonann na critéir Incháilitheachta thuasluaite (cuid A) a mheasúnú agus a scóráil de réir na gceanglas Riachtanach (cuid B.1). Na hiarrthóirí sin nach gcomhlíonann na ceanglais Riachtanacha uile (cuid B.1), eisiafar iad ón bpróiseas roghnúcháin.

Na hiarrthóirí a chomhlíonann na riachtanais Riachtanacha uile (cuid B.1), déanfar iad a mheasúnú agus a scóráil de réir na gceanglas Buntáisteach (cuid B.2). Laistigh den mheastóireacht chomparáideach seo ar iarratais, tabharfar cuireadh chun agallaimh leis an mBord Roghnúcháin do suas leis an deichniúr (10) de na hiarrthóirí is fearr a ghnóthaíonn na marcanna is airde.

B.1. Ceanglais riachtanacha

- a) Cúig bliana déag (15) ar a laghad de thaithí (a gnóthaíodh tar éis an leibhéal oideachais riachtanach a bhaint amach, féach cuid 3A), agus cúig bliana (5) ar a laghad de na blianta sin i bpost sinsearach i réimse shainchúram ESMA;
- b) Béarla scríofa agus labhartha den scoth¹⁶.

⁹ Féach fonóta 7.

¹⁰ Féach fonóta 8.

¹¹ Sula gceapfar é/í, iarrfar ar an iarrthóir a n-éiríonn leis/léi deimhniú ó na póilíní a chur ar fáil lena dheimhniú nach bhfuil aon taifead coiriúil aige/aici.

¹² Is iad seo a leanas teangacha an AE: Bulgáiris, Cróitis, Seicis, Danmhairgis, Ollainnis, Béarla, Eastóinis, Fionlainnis, Fraincis, Gearmáinis, Gréigis, Ungáiris, Gaeilge, Iodáilis, Laitvis, Liotuáinis, Máltais, Polainnis, Portaingéilis, Rómáinis, Slóvaicis, Slóivéinis, Spáinnis, agus Sualainnis.

¹³ Leibhéal B2 ar a laghad de réir Chomhchreat Tagartha na hEorpa um Theangacha:

<http://europass.cedefop.europa.eu/en/resources/european-language-levels-cefr>

Déanfar eolas ar an dara tanga AE a thástáil ó bhéal i gcás iarrthóirí a dtugtar cuireadh chun agallamh dóibh.

¹⁴ Sula gceapfar é/í, scrúdóidh lárionad leighis ESMA an t-iarrthóir a n-éiríonn leis/léi lena dhearbhu go gcomhlíonann an t-iarrthóir ceanglais Airteagal 12(2) (d) de CEOS (corpacmhainn fhisiciúil chun na dualgais a chomhlíonadh).

¹⁵ Sainmhínítear aois scoir na ngníomhairí sealadacha mar dheireadh na míosa ina slánóidh an duine 66 bliana d'aois.

¹⁶ Béarla ar leibhéal B2 ar a laghad <https://europass.cedefop.europa.eu/resources/european-language-levels-cefr> Is é Béarla teanga oibre inmheánach ESMA, mar a chinn Bord Bainistíochta ESMA le cinneadh ESMA/2011/MB/3 an 11/01/2011. Leis an gcinneadh sin, cuirtear Airteagal 73 (2) de [Rialachán ESMA \(AE\) Uimh. 1095/2010](#), lenar bunaíodh ESMA, chun feidhme.

B.2. Ceanglais bhuntáisteacha

- c) Eolas agus taithí chruthaithe ar mhargaí airgeadais, rialáil airgeadais agus/nó maoirseacht/maoirsiú ar mhargaí urrús ar an leibhéal náisiúnta, AE nó idirnáisiúnta;
- d) Tuiscint chríochnúil ar institiúidí AE, ar phróisis chinnteoireachta AE, ar ghníomhaíochtaí AE agus idirnáisiúnta atá ábhartha do ESMA;
- e) Sáreolas ar thimpeallacht pholaitiúil agus dhlíthiúil AE agus taithí chruthaithe idirbheartaíochta ar leibhéal AE agus/nó ar leibhéal idirnáisiúnta;
- f) Taithí ar eagraíocht a stiúradh a bhfuil cúraimí agus cuspóirí suntasacha aici agus an eagraíocht sin a stiúradh chun a cuspóirí a bhaint amach; agus
- g) Spreagadh don phost fógartha.

B.3. Ceanglais fhorlíontacha

- h) Sárscileanna cumarsáide agus cur i láthair agus an cumas ábhair chasta a chur i láthair go soiléir agus go simplí, ó bhéal agus i scríbhinn, bíodh sin go poiblí nó ag cruinnithe le páirtithe leasmhara inmheánacha nó seachtracha;
- i) Sárchumas líonraithe agus scileanna idirphearsanta, lena n-áirítear an cumas chun déileáil le agus idirbheartaíocht a dhéanamh le hionadaithe rialtais ardleibhéil agus le páirtithe leasmhara agus le hionadaithe ón tionscal airgeadais laistigh agus lasmuigh den AE;
- j) Cumas cruthaithe chun plé a stiúradh agus na cinntí is fearr is féidir a dhéanamh ar leibhéal straitéiseach agus polaitiúil gan cur isteach ar chaidreamh táirgiúil oibre leis na páirtithe eile lena mbaineann; agus
- k) Tuiscint láidir ar fhreagracht, ionracas, tionscnaíocht, féinspreagadh agus tiomantas d'obair ar mhaithe le leas an phobail agus freastal ar AE ina iomláine.

PRÓISEAS ROGHNÚCHÁIN

Na hiarrthóirí a dtabharfar cuireadh chun agallaimh dóibh (suas le 10), cuirfear comhdhéanamh an Bhoird Roghnúcháin in iúl dóibh (sa litir chuiridh). Déanfar measúnú ar na hiarrthóirí le linn an agallaimh de réir na gcritéar roghnúcháin ar fad (cuid B1 & B2 & B3).

Mar thoradh ar na hagallaimh, cuirfear suas le seisear (6) iarrthóirí ar an liosta ionadaithe agus tabharfaidh an Bord Maoirseoirí cuireadh chun agallaimh dóibh.

Is é an nós imeachta roghnúcháin seo an bonn atá le bunú an phainéil. Ní hionann áit ar an liosta ionadaithe agus ráthaíocht go gceapfar duine. Ba cheart d'iarrthóirí a thabhairt dá n-aire go bhféadfadh an liosta ionadaithe a bheith ar fáil go poiblí, a luaithe a bheidh glactha ag an mBord Roghnúcháin leis.

Tá obair agus plé an Bhoird Roghnúcháin faoi rún daingean agus tá dianchosc ar aon teagmháil le baill an Bhoird. Is ionann aon teagmháil a dhéanann na hiarrthóirí nó tríú páirtithe chun tionchar a imirt ar Bhaill an Bhoird Roghnúcháin i dtaca leis an roghnú agus forais le dícháiliú ón nós imeachta roghnúcháin.

Mar chéad chéim eile, iarrfar ar na hiarrthóirí gearrliostaithe (suas le seisear) cur i láthair a dhéanamh ar thopaic réamhshainithe (agus agallamh ina dhiaidh sin) ag Bord Maoirseoirí ESMA. Déanfar an cur i láthair agus na hagallaimh ar an lá céanna. Cuirfear topaic an chuir i láthair in iúl



do na hiarrthóirí gearrliostaithe sa chuireadh chun agallaimh leis an mBord Maoirseoirí.

Cuirfidh an Bord Maoirseoirí gearrliosta le chéile de na hiarrthóirí atá cáilithe do phost Chathaoirleach ESMA, le cúnamh ón gCoimisiún. Bunaithe ar an ngearrliosta, glacfaidh an Chomhairle cinneadh Cathaoirleach ESMA a cheapadh, tar éis deimhniú ó Pharlaimint na hEorpa. Is é an **1 Aibreán 2021** an dáta atá beartaithe chun tús a chur leis an gconradh.

D'fhéadfadh go mbeadh ar iarrthóirí dul faoi agallaimh bhreise agus/nó tástálacha breise a dhéanamh, sa bhreis orthu siúd a luadh thuas.

4. Oibleagáidí eitice

Gníomhaíonn Cathaoirleach ESMA go neamhspleách agus go hoibiachtúil chun leasa an Aontais ina iomláine, agus chuige sin amháin, agus ní lorgóidh sé/sí ná ní ghlacfaidh sé/sí teoracha ó Institiúidí ná comhlachtaí an Aontais, ná ó aon rialtas ná ó aon chomhlacht príobháideach nó poiblí eile. Cloíonn Cathaoirleach ESMA le Beartas Coinbhleachta Leasa ESMA agus le Cód Dea-iompair Riaracháin ESMA, agus cuireann sé chun cinn go gníomhach iad¹⁷. Tá sé/sí faoi réir cheanglais na rúndachta gairmiúla le linn dó/di a bheith ag obair in ESMA agus i ndiaidh dó/di ESMA a fhágáil¹⁸.

Oibleagáidí na n-iarrthóirí

Maidir leis na hiarrthóirí a n-éireoidh leo agus a bheidh ar an liosta ionadaithe (i.e. na hiarrthóirí a chuirfidh an Bord Maoirseoirí faoi agallamh) cuirfear in iúl dóibh go mbeidh orthu dhá dhearbhu a sholáthar: dearbhú maidir le coinbhleacht leasa¹⁹ agus dearbhú maidir leis an rún atá acu gníomhú go neamhspleách ar mhaithe le leas an phobail agus maidir le rúndacht ghairmiúil.

Ceanglófar ar an iarrthóir a roghnófar aon leas pearsanta, go háirithe leasanna teaghlaigh nó airgeadais, nó leasanna eile de chuid tríú páirtithe (e.g. leasanna a bhaineann le poist a bhí aige/aici roimhe sin) a dhearbhu do ESMA, ar leas é a d'fhéadfadh a neamhspleáchas a lagú, nó a d'fhéadfadh a neamhspleáchas lagú dá gceapfaí é/í mar Chathaoirleach ESMA agus a d'fhéadfadh, dá réir sin, a bheith ina chúis le haon choinbhleacht leasa iarbhír, fhéideartha nó amhrasta ábhartha don phost. Déanfar dearbhuithe leasanna na n-iarrthóirí a scrúdú i gcomhréir le Beartas Coinbhleachta Leasa agus Eitice ESMA d'fhoireann ESMA¹⁷.

Oibleagáidí iarfhostaíochta

Beidh de cheangal²⁰ ar an duine a d'fhóin mar Chathaoirleach ESMA imréiteach a lorg ó ESMA (go ceann dhá bhliain tar éis ESMA a fhágáil) sula rachaidh sé/sí i mbun gníomhaíochta eile. Má bhaineann an ghníomhaíocht sin leis an obair a rinneadh le linn na dtrí bliana dheireanacha seirbhíse ag ESMA, agus má chreideann ESMA go bhféadfadh coinbhleacht le leasanna dlisteanacha ESMA a bheith mar thoradh uirthi, féadfaidh ESMA a fhorghnó a thabhairt faoi réir

¹⁷ Tá an t-eolas ar fad maidir leis na rialacha coinbhleachta leasa is infheidhme maidir le Cathaoirleach ESMA ar fáil anseo: <https://www.esma.europa.eu/about-esma/governance/ethics-and-conflict-interests>

¹⁸ Féach Airteagal 11, 16 agus 17 de Rialachán Foirme AE agus Airteagal 11 de Choinníollacha Fostaíochta Sheirbhísigh Eile, mar aon le hAirteagal 70 de Rialachán (AE) Uimh. 1095/2010 lena mbunaítear ESMA.

¹⁹ I gcomhréir le hAirteagal 11 agus 11a de na Rialachán Foirme agus le hAirteagal 11 de Choinníollacha Fostaíochta Sheirbhísigh Eile an Aontais Eorpaigh (CEOS)

²⁰ Féach go háirithe Teideal a Ceathair de Chinneadh C(2018)4048 deiridh ón gCoimisiún an 29 Meitheamh 2018 maidir le gníomhaíochtaí agus tascanna seachtracha agus maidir le gairm tar éis an tSeirbhís a fhágáil, mar atá ionchorpraithe i mBeartas um Choinbhleacht Leasanna ESMA.



aon choinníollacha is cuí leis nó a chuirfeadh cosc ar an ngníomhaíocht. Ní údarófar gníomhaíochtaí a chuirfeadh Cathaoirleach ESMA i gcás coinbhleachta leasa.

B.4. Conas iarratas a dhéanamh

Chun iarratas a dhéanamh, ní mór d'iarrthóirí na doiciméid seo a leanas a sheoladh, faoin spriocdháta le haghaidh iarratas chuig vacancies@esma.europa.eu

- Ní mór an méid seo a leanas a bheith san iarratas: **CV (formáid Eorpach)**²¹ agus **litir inspreagtha** i mBéarla (teanga oibre ESMA);
- Ní mór na doiciméid iarratais a mharcáil, dá réir sin, le huimhir thagartha an fhógra folúntais (féach na teimpléid thíos).

CV san fhoráid Eorpach²², sábháilte mar:

ESMA_2020_VAC11_AD15_SLOINNE_Céadainm_CV

Litir inspreagtha nach mó ná 2 leathanach, ina mínítear spéis agus inspreagadh an iarrthóra don phost áirithe seo, agus atá sábháilte mar seo a leanas:

ESMA_2020_VAC11_AD15_SLOINNE_Céadainm_Litir inspreagtha

Tásc i líne ábhair an ríomhphoist:

ESMA_2020_VAC11_AD15_SLOINNE_Céadainm

Ní mór doiciméid iarratais a chomhlánú i mBéarla²³. Chun go mbreithneofar iad, ní mór iarratais a bheith faighte faoi 23:59:59 Am Lár na hEorpa ar an dáta deiridh. Molaimid d'iarrthóirí a n-iarratas a chur isteach i bhfad roimh an spriocdháta, chun fadhbanna a d'fhéadfadh a bheith ann a sheachaint.

Féach na [Treoirlínte d'iarrthóirí](#) chun treoracha a fháil maidir le d'iarratas a chomhlánú.

Déanfar gach comhfhreagras trí ríomhphost, mar sin ba cheart d'iarrthóirí a chinntiú go bhfuil an seoladh ríomhphoist ceart agus go ndéantar é a sheiceáil go rialta.

Measúnófar iarrthóirí de réir na gcritéar incháilitheachta agus roghnúcháin atá sonraithe san fhógra folúntais (mar a mhínítear i gcuid 3) agus ní mór iad sin a chomhlíonadh faoin spriocdháta chun iarratais a chur isteach.

Tá beartas comhdhiseanna á chur i bhfeidhm ag ESMA.

5. Achoimre ar na coinníollacha fostaíochta

- D'fhéadfaí go dtairgfí conradh fostaíochta cúig bliana, d'iarrthóirí seachtracha a n-éireoidh leo, mar ghníomhaire sealadach 2(a) agus d'fhéadfaí síneadh amháin a chur leis²⁴.
- Earcófar iarrthóirí seachtracha a n-éireoidh leo sa ghrád agus rangófar iad i gcéim 1 nó i gcéim 2.

²¹ <http://europass.cedefop.europa.eu/en/documents/curriculum-vitae>

²² <http://europass.cedefop.europa.eu/en/documents/curriculum-vitae>

²³ Is é Béarla teanga oibre imheánach ESMA, mar a chinn Bord Bainistíochta ESMA le cinneadh ESMA/2011/MB/3 an 11/01/2011. Leis an gcinneadh sin, cuirtear Airteagal 73 (2) de [Rialachán ESMA \(AE\) Uimh. 1095/2010](#), lenar bunaíodh ESMA, chun feidhme.

²⁴ Chuir Comhairle an Aontais Eorpaigh síneadh leis uair amháin, ag gníomhú di ar thogra ón mBord Maoirseoirí agus le cúnaimh ón gCoimisiún, agus meastóireacht a rinne an Bord Maoirseoirí á cur san áireamh.

Grád/céim	Íoscheanglais le haghaidh aicmiú i gcéim ²⁵ (an leibhéal riachtanach staidéir ollscoile + íoslíon blianta taithí tar éis céim ollscoile a bhaint amach)	Glantuarastal míosúil gan liúntais ²⁶	Glantuarastal míosúil, liúntais shonracha/teaghlaigh san áireamh ²⁷
AD15 céim 1	Céim ollscoile 4 bliana + 15 bhliain de thaithí	EUR 12 695	EUR 17 740
AD15 céim 2	Céim ollscoile 4 bliana + 21 bliain de thaithí	EUR 13 050	EUR 18 227

Coinníollacha airgeadais

- Mar Chathaoirleach ESMA, beidh an t-iarrthóir a n-éireoidh leis/léi i dteideal liúntas bainistíochta (4.2% den bhuntuarastal) faoi réir na tréimhse trialach 9 mhí a chur i gcrích go rathúil;
- Is iad na tuarastail is infheidhme maidir le baill foirne uile an AE na tuarastail a íocann ESMA.
Tá siad faoi réir na comhéifeachta ceartúcháin don Fhrainc (117.7% faoi láthair).
- Tá tuarastail faoi réir cháin an Aontais, rud a asbhaintear ag an bhfoinse, agus tá siad díolmhaithe ó chánachas náisiúnta.
- Ag brath ar an staid teaghlaigh aonair agus ar an áit tionscnaimh, d'fhéadfadh go mbeadh sealbhóir an phoist a n-éireoidh leis/léi i dteideal: liúntas easaoránachta (16% den bhuntuarastal), liúntas teaghlaigh, liúntas linbh chleithiúnaigh, liúntas oideachais, liúntas réamhscoile, liúntas suiteála, aisíocaíocht costas aistrithe, liúntas cothaithe laethúil sealadach tosaigh, agus sochair eile.

Árachas Saoire, Pinsin agus Breoiteachta

- Teidlíocht saoire bliantúla dhá lá in aghaidh na míosa féilire, chomh maith le laethanta sa bhreis ag brath ar aois, grád, 2.5 lá saoire baile más infheidhme, agus ina theannta sin, 17 lá saoire ESMA ar an meán in aghaidh na bliana;
- Scéim Pinsean an Aontais Eorpaigh (tar éis 10 mbliana seirbhíse);
- Comhscéim Árachais Breoiteachta an AE (JSIS), cumhdach tionóisce agus galair cheirde, liúntas dífhostaíochta agus easláine agus árachas, agus
- Oiliúint ghinearálta agus ghairmiúil infheidhme, agus deiseanna forbartha gairmiúla;

Má theastaíonn tuilleadh eolais uait, féach ar leathanach Gairme ESMA:

<https://www.esma.europa.eu/about-esma/careers>

²⁵ Cinneadh ó Bhord Bainistíochta ESMA ESMA-2014-MB-14, lena nglactar forálacha ginearálta cur chun feidhme maidir leis na critéir is infheidhme maidir le haicmiú i gcéim ar cheapachán nó ar rannpháirtíocht - Cinneadh ón gCoimisiún (C(2013) 8970 de 16/12/2013): https://www.esma.europa.eu/sites/default/files/library/decision_on_classification_in_step_2013.pdf

²⁶ Meastachán ar an tuarastal glan, lena n-áirítear an chomhéifeacht cheartúcháin don Fhrainc, asbhaint i leith cánach agus slándála sóisialta, gan aon liúntais (ríomhadh an meastachán seo d'iarrthóir nach bhfuil pósta agus nach bhfuil i dteideal liúntas easaoránachta sa Fhrainc).

²⁷ Meastachán ar an tuarastal glan, lena n-áirítear an chomhéifeacht cheartúcháin don Fhrainc, asbhaint i leith cánach agus slándála sóisialta agus na liúntais san áireamh (ríomhadh an meastachán seo d'iarrthóir atá i dteideal liúntas easaoránachta, liúntas teaghlaigh agus ag a bhfuil leanbh cleithiúnach amháin). Braitheann liúntais in aon chás ar staid phearsanta an iarrthóra.

6. Cosaint sonraí

Déantar sonraí pearsanta iarrthóirí a phróiseáil de réir mar a cheanglaítear le Rialachán (AE) Uimh. 2018/1725 ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nádúrtha a chosaint i ndáil le sonraí pearsanta a bheith á bpróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht na sonraí sin.²⁸ Tá feidhm aige sin go háirithe maidir le rúndacht agus slándáil na sonraí sin. Chun tuilleadh faisnéise a fháil, féach an [ráiteas príobháideachta maidir le nósanna imeachta earcaíochta](#).

Déanfaidh ESMA gach beart is gá chun rúndacht an nós imeachta a áirithiú, ach ní féidir a chur as an áireamh, áfach, go bhfeicfidh iarrthóirí a chéile lá an agallaimh.

²⁸ Rialachán (AE) Uimh. 2018/1725 ó Pharlaimint na hEorpa agus ón gComhairle an 23 Deireadh Fómhair 2018, IO L 295, 21.11.2018, lch. 39.